



Programa ji bo avahî, tesîs û çalakîya avakarîyê

Programa ji bo avahî, tesîs û çalakîya avakarîyê ji bo wan kesan e ku hez dikin, hem li hundir û hem jî li derve, bi karê tamîrkirin û lînêrîna malûmilkên negûhêzbar û avahîyan mijûl bibin.

Ev program ji bo wan kesan e ku hez dikin li parkan kar û lînêrîna erd û herîyê bikin.

Pêwîst e tu hez bikî bi kesên din re hevkarîyê bikî. Ji ber ku tu di nav însanên din de kar dikî pêwîst e tu jî karê xizmet û servîsê jî hez bikî.

Di programê de van tiştan hîn dibî

Tu têyî perwerdekirin ku bi wezîfeyên di warê lînêrîna malûmilkên negûhêzbar û çalakîyên avakarîyê de mijûl bibî.

Ev dikare tamîrkirin, lînêrîna lokalan û boyaxkirin be. Li derve jî ev dikare karê kolandîna erd û bexçeyan be û lînêrîna şînayîyê be.

Tu her weha hîn dibî ka mirov alav û hacetên kar çawa bi awayeke rast bikar tîne.

Di programê de ji te re perwerde tê dayîn û rêbaz tîne nîşandan ka tu dê çawa bi mişterîyan re hevkarîyê bikî û mişterîyan bi xizmet û servîseke herî baş pêşwazî bikî.

Pirsên jîngeha kar beşeke girîng ya programê ye, ji bo ku di pêşerojê de tu li cihê kar zerafê nebînî û her tim bibî xwedî tenduristîyeke baş.

Program wiha hatîye amadekirin

Dersên hevpar yê dibistanên taybet yê lîseyê.

Di programên neteweyî de dersên ku herkes divê bixwîne hene. Ji vana re dibêjin dersên hevpar yê dibistanên taybet yê lîseyê.

Ev ders vana ne:

- Înglîzî
- xebata estetîkî
- dîrok
- spor û tenduristî
- matematîk
- xwezazanî
- olzanî
- civakzanî
- swêdî yan jî swêdî weke zimanê dûemîn.

Dersên hevpar yê programê

Di programê de dersên taybetmendî hene ku ji wan re dibêjin dersên hevpar yê programê.

Hemû şagirdên Programa ji bo avahî, tesîs û çalakîya avakarîyê divê van dersan bixwînin:

- avakarî û tesîs
- lènêrîna avahî (malûmilkên negûhêzbar)
- xizmet (servîs) û pêşwazîkirin

Pêdaketina hûrûkûr ya programê

Tu her weha çend dersên din jî dixwîni ku di beşa te hîlbijartîye de bêtir zanebûnan dide te. Ji vana re dibêjin pêdaketina hûrûkûr ya programê.

Ji ber ku dibistanên cuda di warê pêdaketina hûrûkûr ya programê de dersên cuda pêşwazî dikin tu dikarî bi xwe ji dibistana miraceatê wê dikî bipirsî ka li cem wan kîjan dersên pêdaketina hûrûkûr ya programê têne dayîn.

Her weha li ser webçîhê www.skolverket.se, di bin beşa Förskola och skola (Pêşdibistan û dibistan) dikarî bêtir li ser pêdaketina hûrûkûr ya programê bixwîni.

Hîlbijartina şexsî

Tu her weha hîlbijartîneke şexsî jî dikî. Tu dikarî çend dersên ku di programê de çih nagirin, lê ji aliyê hemû şagirdên li dibistanê ve dikarin werin xwendin, hîlbijêrî.

Pîlana dersan

Ji bo her dersek li dibistan lîseyê taybet pîlaneke dersan ya bi kursên pûankirî heye.

Heger tu serkeftî bî midûr dikare biryar bide ku tu kurs yan jî dersên li dibistana lîseyê bixwîni. Bi wî awayî pêşbirkexwazîya perwerdeya te zêdetir dibe.

Not û qarne

Dema kursek bi dawî bû tu jê not werdigirî. Mamoste dê zanebûnên te binirxîne û wan bi şertên di dereceyên notên A, C û E re miqayese bike.

Apl

Wan zanebûnên ku te li programê wergirtine li kargehekê dikarî biceribîni û bikarbîni.

Ji vê re dibêjin perwerdeya li cihê kar (arbetsplatsförlagt lärande, apl).

Xebata Lîseyaya perwerdeya taybetî

Bi armanca ku nîşan bidî tu ji bo wezîfeyên cuda yê xebatê baş amade yî tu dê xebateke di Lîseyaya perwerdeya taybetî pêk bînî.

Ji ber ku divê xebata Lîseyaya perwerdeya taybetî temamiya perwerdeya te nîşan bide tu vê yekê di dawîya perwerdeya xwe de pêk tînî.

Pîlana perwerdeyê ya şexsî

Pîlaneke perwerdeyê ya şexsî ya te heye. Di wir de ew ders û kurs hatine rêzkirin ku tu dê di dema xwe ya lîseyê de bixwînî.

Hemû biryarên di derbarê ka tu dê çi bixwînî de pêwîst e di pîlana perwerdeyê ya şexsî de çîh bigirin.

Dîploma Lîseyaya perwerdeya taybetî

Dema tu piştî çar salan Lîseyaya perwerdeya taybetî bi dawî dikî ji te re dîplomayek tê dayîn. Di dîplomayê de ew zanebûn û tecrûbeyên te yê ji Lîseyaya perwerdeya taybetî hatine nivîsandin.

Ev dîploma nîşan dide ka te di nav çar salên xwe yê li Lîseyaya perwerdeya taybetî de çend pûan xwendine.

Heger te notên pejirandî ji kursên bi gîştî ji 2500 pûanî wergirtîye wê demê tu dibî xwediyê perwerdeyêke temamî ya dibistana lîseyaya taybet.

Di programê de wisa dixebitî

Di programê de li ser pirs û problemên cuda bi awayên teorîkî û pratîkî kar dikî.

Tu tena serê xwe û bi tevî kesên din re kar dikî. Di warê hevkarîya bi kesên din re têyî perwerdekirin.

Tu her weha têyî perwerdekirin jî ku berpirsiyarîyê bigirî.

Di programê de têyî perwerdekirin ku xebatekî pîlan bikî, pêk bînî û bidawî bikî.

Tu her weha hîn dibî ku îzah û îfade bikî ka tu problem û pirsên xwe çawa çareser dikî û dersên xwe pêk tînî.